



CONCELLOS

FOLGOSO DO COUREL

Anuncio

De conformidade cos artigos 112 da Lei 7/85, do 2 de abril e 169.3 do Real Decreto Lexislativo 2/2004, do 5 de marzo, polo que se aproba o Texto refundido da lei reguladora das facendas locais, o Concello Pleno en sesión ordinaria celebrada o 17 de febreiro de 2020, adoptou o acordo de aprobación inicial do Orzamento Xeral desta entidade para o exercicio económico de 2020, que resultou definitivo ao non se ter presentado reclamacións durante o período de exposición pública. Faise público que o Orzamento ascende, en ingresos e gastos á cantidade de UN MILLÓN SESENTA E SEIS MIL NOVECIENTOS DEZASEIS EUROS CON VINTE E OITO CÉNTIMOS (1.066.916,28 €) correspondendo a cada capítulo as cantidades que a continuación se expresan, segundo o seguinte detalle:

ESTADO DE GASTOS

CAPÍTULO	DENOMINACIÓN	EUROS
OPERACIÓNS CORRENTES		
1	Gastos de persoal	570.458,48
2	Gastos correntes en bens e servizos	354.618,15
3	Gastos financeiros	700,00
4	Transferencias correntes	39.280,00
5	Fondo de continxencia e outros imprevistos	0,00
OPERACIÓNS DE CAPITAL		
6	Investimentos reais	93.359,65
7	Transferencias de capital	8.500,00
8	Activos financeiros	0,00
9	Pasivos financeiros	0,00

SUMA TOTAL GASTOS: 1.066.916,28 €

ESTADO DE INGRESOS

CAPÍTULO	DENOMINACIÓN	EUROS
OPERACIÓNS CORRENTES		
1	Impostos directos	184.871,36
2	Impostos indirectos	10.000,00
3	Taxas, prezos públicos e outros ingresos	75.514,32
4	Transferencias correntes	794.490,60
5	Ingresos patrimoniais	2.040,00
OPERACIÓNS DE CAPITAL		
6	Alleamento de inversións reais	0,00
7	Transferencias de capital	0,00
8	Activos financeiros	0,00
9	Pasivos financeiros	0,00

SUMA TOTAL INGRESOS: 1.066.916,28 €

Subvencións nominativas

Aplicación orzamentaria	Beneficiario	Actividade subvencionable	Importe
323.48	CPI Poeta Uxío Novoneyra Q2768018J	Actividades complementarias e extraescolares 2020	500,00
323.48	Asociación de Pais e Nais de Alumnos G27161249	Actividades 2020	2.500,00
432.48	Universidade de Santiago de Compostela Q1518001A	Curso sobre cogomelos na Estación Científica do Courel 2020	500,00
334.48	Asociación Desarrollo Rural Serra do Courel G27237494	Proxecto Courel Son 2020	800,00
334.48	Asociación Xuvenil Buraca das Grellas G27372655	Cantos de Taberna 2020	180,00

Na referida sesión tamén se acordou aprobar o cadro de persoal desta Corporación que, de conformidade co que preceptúa o art. 127 do Real Decreto Lexislativo 781/1986, de 18 de abril, se reproduce a continuación:

CADRO DE PERSOAL PARA O ANO 2020				
A) FUNCIONARIOS DE CARREIRA	Nº plazas	Grupo	C.D.	Situación
Secretario-Interventor	1	A1	26	Vacante. Ocupada en comisión de servizos
Traballador Social	1	A2	21	Vacante
Auxiliar administrativo Experto	1	C2	18	Vacante
Oficial Servizos Múltiples	1	C2	14	Vacante
B) PERSOAL LABORAL INDEFINIDO	Nº plazas	Situación		
Denominación				
Conserxe-Limpiadora colexio	1	Indefinido		Xornada Completa
C) PERSOAL LABORAL TEMPORAL	Nº plazas	Características		
Denominación				
Técnico Local de emprego	1	Temporal		Xornada completa
Traballadora Social	1	Temporal		Xornada completa
Auxiliar axuda no fogar	7	Temporal		Xornada completa
Auxiliar axuda no fogar	2	Temporal		Xornada parcial
Peón Grupo Emerxencia Supramunicipal (Convenio)	6	Temporal		Xornada completa

Na referida sesión tamén se acordou aprobar a masa salarial do persoal laboral que ascende á cantidade de 295.105,17 euros de conformidade co disposto no artigo 103 bis da Lei 7/1985, de 2 de abril, reguladora das bases de réxime local modificada pola Lei 27/2013, de 27 de decembro, de racionalización e sostenibilidade da Administración Local.

De conformidade co preceptuado no artigo 171.1 do Real Decreto Lexislativo 2/2004, de 5 de marzo, polo que se aproba o Texto refundido da lei reguladora das facendas locais, contra a aprobación definitiva do orzamento municipal poderá interpoñerse directamente recurso contencioso-administrativo perante o Tribunal Superior de Xustiza de Galicia, na forma e prazos que establecen as normas da xurisdicción contencioso-administrativa.

Folgo do Courel, 7 de maio de 2020.- A Alcaldesa, Dolores Castro Ochoa.

R. 0827

MONFORTE DE LEMOS*Anuncio***PROPOSTA DE DECRETO**

A situación de emerxencia xerada pola evolución do COVID-19, levou ao Goberno a decretar o estado de alarma polo Real Decreto Lei 463/2020, de 14 de marzo, para a xestión da situación de crise sanitaria ocasionada.

En consonancia todas as administracións e particularmente este Concello, ditaron diferentes normas para tratar de reducir o avance dos contaxios desta enfermidade.

Neste contexto, tendo en conta a Resolución desta Alcaldía de data 25 de marzo de 2020 que adopta, entre outras, directrices xerais a empregar no marco das relacións contractuais e prestacionais deste Concello compre adaptar ás circunstancias extraordinarias actuais, as condicións de explotación do uso e utilización que se desenvolvan nas instalacións municipais e cuxas actividades quedaron suspendidas por estar incluídas no ámbito de aplicación do artigo 10 do devandito Real Decreto Lei 463/2020, de 14 de marzo, que declara o estado de alarma, relativo as medidas de contención no ámbito da actividade comercial, equipamentos culturais, establecementos e actividades recreativas, actividades de hostalería e restauración, e outras adicionais.

Polo exposto, en particular respecto da “Taxa por estacionamento nas vías públicas dos autotaxis e demais vehículos de alugueiro” e a “Taxa por utilización do dominio local no Mercado ou Praza de Abastos e nos seus espazos e servizos anexos” que se abona a este Concello, pola ocupación da vía pública ou pola utilización privativa de bens de dominio público municipal, coa finalidade de minimizar as consecuencias derivadas da diminución da actividade derivada da adopción das referidas medidas de emerxencia, en virtude das atribucións que me confire o art. 21 da Lei 7/1985, de 2 de abril, reguladora das bases do réxime local, DISPOÑO:

PRIMEIRO.- Reducir as taxas que se abonan neste Concello como contraprestación económica derivada da “Taxa por estacionamento nas vías públicas dos autotaxis e demais vehículos de alugueiro” e da “Taxa por utilización do dominio local no Mercado ou Praza de Abastos e nos seus espazos e servizos anexos”, nun importe do 95%, redución que terá efectos durante todo o período de vixencia da declaración do estado de alarma, e polo tanto con efectos económicos do día 14 de marzo de 2020, data de entrada en vigor do polo Real Decreto 463/2020, de 14 de marzo (DF3ª).

SEGUNDO. Notificar a presente resolución á Intervención Municipal, aos interesados, así como aos empregados públicos con responsabilidades na tramitación das correspondentes facturas xiradas por estes conceptos.

TERCEIRO.- Unha vez restablecido o normal funcionamento das institucións municipais, déase conta á Xunta de Goberno da resolución adoptada.

Monforte de Lemos, 21 de abril de 2020.- O ALCALDE, José Tomé Roca.

R. 0813

MURAS

Anuncio

Aprobación definitiva da ordenanza reguladora do prezo público pola participación no Trail das Bestas no Concello de Muras

Téndose aprobado provisionalmente polo Pleno da Corporación en sesión ordinaria levada a cabo o 26.02.2020 a ordenanza reguladora do prezo público pola participación na carreira popular “Trail das Bestas” no Concello de Muras, e, unha vez transcorrido o prazo de 30 días a que fai referencia o artigo 49 da Lei 7/1985, do 2 de abril, de Bases do Réxime Local, sen se ter presentado reclamacións contra dito acordo provisional, éste queda automaticamente elevado a definitivo, procedéndose á publicación do seu texto íntegro de seguido:

ORDENANZA FISCAL REGULADORA DO PREZO PÚBLICO POLA PARTICIPACIÓN NA CARREIRA “TRAIL DAS BESTAS” DO CONCELLO DE MURAS (LUGO)

Artigo 1.- Fundamento

De conformidade co previsto no artigo 127 do Texto refundido da Lei reguladora das Facendas Locais, aprobado polo Real Decreto lexislativo 2/2004, de 5 de marzo, en relación cos arts. 41 a 47 desta norma e en exercicio da potestade regulamentaria recoñecida ás entidades locais nos artigos 4, 49, 70.2 e concordantes da Lei 7/1985 de 2 de abril reguladora das Bases de Réxime Local, este Concello establecece o prezo público pola participación na carreira “Trail das Bestas”.

Artigo 2.- Concepto

O prezo público regulado nesta ordenanza constitúe o ingreso de dereito público, que se satisfará polos participantes na carreira “Trail das Bestas”.

Artigo 3.- Obrigados ao pago

Están obrigados ao pago do prezo público regulado nesta ordenanza as persoas físicas que vaian participar no “Trail das Bestas” organizada polo Concello de Muras e que desenvolverase a través de empresa externa.

Artigo 4.- Tarifas

As contías do prezo público que se deberán pagar ao Concello pola participación na carreira será de:

- Polo percorrido maratón de 43km: 26,00€
- Polo percorrido de 24,5km: 22,00€
- Polo percorrido de 15km: 20,00€

- Pola andaina de 15 km: 13,00€

Artigo 5.- Normas de xestión

A obrigación de pago nace desde que se inicie a prestación do servizo ou realícese a actividade: inscrición para participar na actividade.

Artigo 6.- Obrigación e lugar de pago

1. O pago do prezo público efectuarase a través da páxina creada ao efecto: www.traildasbestas.es

Disposición derradeira

A presente ordenanza reguladora do prezo público para participar na carreira “Trail das Bestas” que foi aprobada polo Pleno do Concello en sesión celebrada o día 26 de febreiro de 2020, unha vez aprobada definitivamente, será publicada integramente no Boletín Oficial da Provincia e comezará a aplicarse unha vez que transcorra o prazo previsto no art. 49 da Lei 7/1985 de 2 de abril, e manterase en vigor ata a súa derogación ou modificación expresa.

Muras, 30 de abril de 2020.- O Alcalde, Manuel Requeijo Amejo.

R. 0814

Anuncio

Edicto publicación definitiva ordenanza IVTM Concello de Muras

O abeiro do disposto no artigo 17.4 do RDL 2/2004, de 5 de marzo que aproba o texto refundido da Lei reguladora das facendas locais, procédese á publicación do texto íntegro da Ordenanza fiscal reguladora do Imposto sobre Vehículos de Tracción Mecánica do Concello de Muras, aprobada inicialmente polo Concello Pleno en data 26 de febreiro de 2020, e estando sometido a información pública o devandito acordo polo prazo de trinta días hábiles, previa publicación do correspondente anuncio no taboleiro de edictos e no BOP núm. 60 de data 13 de marzo de 2020, sen que nese tempo se presentasen reclamacións, considerase definitivamente adoptado o citado acordo.

Contra o acordo descrito no parágrafo anterior, poderán os interesados interpoñer directamente o recurso contencioso-administrativo, no prazo de dous meses contados a partir do día seguinte ao de publicación deste Edicto. Poderán así mesmo interpoñer calquera outro que estimen axeitado.

ORDENANZA DO IMPOSTO SOBRE VEHÍCULOS DE TRACCIÓN MECÁNICA

I.- Disposición Xeral

Artigo 1.- De conformidade co establecido polo artigo 2, en relación cos artigos 56, 59 e 92 do Real Decreto Legislativo 2/2004, do 5 de marzo, polo que se aproba o Texto Refundido da Lei reguladora das Facendas Locais, establécese o Imposto sobre Vehículos de Tracción Mecánica.

II.- Feito Impoñible

Artigo 2.-

1.- O imposto sobre Vehículos de Tracción Mecánica é un tributo directo que grava a titularidade dos vehículos desta natureza, aptos para circular polas vías públicas, calquera que sexa a súa clase e categoría.

2.- Considerarase vehículo apto para a circulación o que houber sido matriculado nos rexistros públicos correspondentes e mentres non causase baixa nos mesmos. Para os efectos deste imposto, tamén se considerarán aptos os vehículos provistos de permisos temporais e matrícula turística.

3.- Non están suxeitos a este imposto:

- a) Os vehículos que sendo dados de baixa nos rexistros por antigüidade do seu modelo, poidan ser autorizados para circular excepcionalmente con ocasión de exhibicións, certames ou carreiras limitadas aos desta natureza.
- b) Os remolques e semirremolques arrastrados por vehículos de tracción mecánica cuxa carga útil non sexa superior a 750 quilogramos.

III. Exencións

Artigo 3

1.- Estarán exentos do imposto:

- a) Os vehículos oficiais do Estado, Comunidades Autónomas e Entidades Locais adscritos á defensa nacional ou á cidadá.
- b) Os vehículos de representacións diplomáticas, oficinas consulares, axentes diplomáticos e funcionarios consulares de carreira acreditados en España, que sexan súbditos dos respectivos países, externamente identificados, e a condición de reciprocidad na súa extensión e grao. Así mesmo, os vehículos dos organismos internacionais con sede ou oficina en España e dos seus funcionarios ou membros, con estatuto diplomático.
- c) Os vehículos respecto dos cales así se derive do disposto en tratados ou convenios internacionais.

d) As ambulancias e demais vehículos directamente destinados á asistencia sanitaria ou ao traslado de feridos ou enfermos.

e) Os vehículos para persoas de mobilidade reducida a que se refire a letra A de o Anexo II do Regulamento Xeral de Vehículos, aprobado por Real Decreto 2822/1998, do 23 de decembro. Así mesmo, estarán exentos os vehículos matriculados a nome de minusválidos para o seu uso exclusivo.

Esta exención aplicarase en tanto se manteñan ditas circunstancias, tanto aos vehículos conducidos por persoas con discapacidade como aos destinados ao seu transporte.

As exencións previstas nos dous parágrafos anteriores non resultarán aplicables aos suxeitos pasivos beneficiarios das mesmas por máis dun vehículo simultaneamente.

Considerarase, para estes efectos, persoa con minusvalía quen teña esta condición legal en grao igual ou superior ao 33 por 100.

f) Os autobuses, microbuses e demais vehículos destinados ou adscritos ao servizo de transporte público urbano, sempre que teñan unha capacidade que exceda de nove prazas, incluída a do condutor.

g) Os tractores, remolques, semirremolques e maquinaria provistos da Cartilla de Inspección Agrícola.

2.- Para poder gozar das exencións a que se refiren as letra e) e g) do apartado I do presente artigo, os interesados deberán instar a súa concesión indicando as características do vehículo, a súa matrícula e causa do beneficio. Declarada a exención pola Administración municipal, expedirase un documento que acredite a súa concesión.

3.- Para os efectos previstos no apartado anterior, os interesados deberán solicitar a exención por escrito no Rexistro Xeral da Corporación, debendo acompañar os seguintes documentos:

a) No suposto dos vehículos para persoas de mobilidade reducida, segundo a letra A de o anexo II do Regulamento Xeral de Vehículos, e de vehículos matriculados a nome de minusválidos para o seu uso exclusivo:

- Fotocopia do Permiso de Circulación.
 - Certificado da minusvalía emitido polo órgano competente.
 - Xustificante da exención do Imposto especial sobre determinados medios de transporte (Imposto de matriculación), no seu caso.
 - Declaración de empadramento no municipio de Muras.
 - Acreditación de que o vehículo vai estar destinado exclusivamente a uso do minusválido.
- b) No suposto dos tractores, remolques, semirremolques e maquinaria agrícola:

- Fotocopia do Permiso de Circulación.
- Fotocopia do Certificado de Características.
- Fotocopia da Cartilla de Inscripción Agrícola, a que se refire o artigo 5 da Orde do Ministerio de Agricultura do 4 de outubro de 1977, expedida necesariamente a nome do titular do vehículo. - Declaración de empadramento no municipio de Muras.

Non procederá a aplicación desta exención, cando pola Administración Municipal compróbase que os tractores, remolques ou semirremolques, de carácter agrícola, dedícanse ao transporte de produtos ou mercadorías de carácter non agrícola ou que non se estime necesario para explotacións da devandita natureza.

IV.- Bonificaciones.

Artículo 4.

1.- Os vehículos históricos e todos aqueles que a 31 de decembro de 2020, teñan unha antigüidade mínima de vinte e cinco anos, contados a partir da data da súa fabricación, ou se esta non se coñece, tomando como tal a da súa primeira matriculación ou, no seu defecto, a data en que o correspondente tipo ou variante se deixou de fabricar, gozarán dunha bonificación do 100% da cota incrementada do imposto. Os suxeitos pasivos ou os seus representantes poderán solicitar a concesión da bonificación acreditando a data de fabricación ou primeira matriculación por medio dunha copia compulsada da ficha técnica, o permiso de circulación do vehículo ou o certificado do fabricante ou de Industria respecto da data en que deixou de fabricarse o modelo en cuestión. O petionario deberá xustificar, así mesmo, estar ao corrente do pago do imposto mediante a exhibición dos recibos dos últimos catro exercicios, ou certificado equivalente.

V.- Suxeitos pasivos.

Artigo 5.

1.- Son suxeitos pasivos deste imposto as persoas físicas ou xurídicas as entidades a que se refire o artigo 35.4 da Lei 58/2003, do 17 de decembro, Xeral Tributaria, a cuxo nomee conste o vehículo no permiso de circulación, salvo que se acredite por calquera dos medios de proba admisibles en Dereito, que a propiedade do vehículos afectado foi transmitida a outra persoa, sendo entón esta última, a obrigada ao pago do imposto, sen prexuízo das sancións tributarias ás que houbese lugar, de acordo co previsto no artigo 12 desta Ordenanza.

2.- De acordo co previsto no parágrafo anterior, poderán ter a consideración de suxeitos pasivos do imposto, as herdanzas yacentes, comunidades de bens e demais Entidades que, carentes de personalidade xurídica, constitúen unha unidade económica ou un patrimonio separado, susceptibles de imposición.

VI.- Cotas.

Artigo 6.

1.- O imposto esixirase con arranxo ao cadro de tarifas que, en cada momento, estableza o artigo 95 do Real Decreto Lexislativo 2/2004, do 5 de marzo, polo que se aproba o Texto refundido da Lei Reguladora das Facendas Locais.

2.- Para os efectos da aplicación do referido cadro de tarifas, e a determinación das diversas clases de vehículos, estarase ao disposto no Real Decreto Lexislativo 6/2015, de 30 de outubro, pola que se aproba o texto refundido da Lei sobre Tráfico, Circulación de Vehículos de motor e Seguridade Viario e disposicións complementarias, especialmente o RD 2822/98, do 23 de decembro, polo que se aproba o Regulamento Xeral de Vehículos. En todo caso, dentro da categoría de tractores, deberán incluírse, os “tractocamiones” e os “tractores de obras e servizos”.

3.- A potencia fiscal, expresada en cabalos fiscais, establecerase de acordo co disposto no artigo 11.20 do Regulamento Xeral de Vehículos, en relación co anexo V do mesmo.

VII.- Período impositivo e pagamento.

Artigo 7.

1.- O período impositivo coincide co ano natural, salvo nos supostos de primeira adquisición de vehículos. Neste caso, o período impositivo comezará o día en que se produza dita adquisición. 2.- O imposto devengarase o primeiro día do período impositivo.

3.- O importe da cota do imposto se prorratará por trimestres naturais nos casos de primeira adquisición ou baixa definitiva do vehículo, desde o momento en que se produza dita baixa definitiva no Rexistro Público correspondente.

4.- No suposto de transferencia ou cambio de domicilio con transcendencia tributaria a cota será irreducible e o obrigado ao pago do imposto será quen figure como titular do vehículo no permiso de circulación o día primeiro de xaneiro e nos casos de primeira adquisición o día en que se produza dita adquisición.

VIII.- Xestión do imposto: altas, transferencias, reformas, cambios de domicilio e baixas.

Artigo 8.

1.- De conformidade co disposto no artigo 99.1 do Texto Refundido da Lei Reguladora das Facendas Locais, e no artigo 2.1 do Real Decreto 1576/89, do 22 de Decembro, quen solicite a matriculación dun vehículo deberán presentar ao propio tempo na Xefatura Provincial de Tráfico, en exemplar triplicado, e con arranxo ao modelo aprobado polo Concello, o documento que acredite o pago do Imposto sobre Vehículos de Tracción Mecánica ou a súa exención.

2.- A oficina competente poderá, previa a comprobación dos elementos tributarios declarados, practicar a oportuna liquidación complementaria.

3.- Para os vehículos xa matriculados, o pago das cotas anuais do imposto, realizarase dentro dos prazos que se establezan para o efecto.

Artigo 9.

1.- De conformidade co disposto no artigo 99.2 do Texto Refundido da Lei Reguladora das Facendas Locais, na redacción dada ao mesmo pola Lei 51/2002, e no artigo 2.3 do Real Decreto 1576/89, do 22 de Decembro, os titulares dos vehículos, cando comuniquen á Xefatura Provincial de Tráfico a reforma dos mesmos, sempre que altere a súa clasificación a efectos deste imposto, así como tamén nos casos de transferencia, de cambio de domicilio que conste no permiso de circulación do vehículo, ou de baixa dos devanditos vehículos, deberán acreditar previamente perante a referida Xefatura Provincial o pago de todas as débedas polo devandito concepto devengado, liquidadas, presentadas á cobranza e non prescritas. Exceptúase da referida obrigación de acreditación o suposto das baixas definitivas de vehículos con quince ou máis anos de antigüidade.

2.- Na tramitación dos expedientes sinalados no apartado anterior, deberá presentarse a oportuna declaración en relación ao Imposto sobre Vehículos de Tracción Mecánica que fornecerá os seus efectos ao exercicio seguinte en que se produza.

VII.- Réxime Sancionador.

Artigo 10.-

1.-Infraccións e sancións. Nos casos de incumprimento das obrigacións establecidas na presente Ordenanza, de acordo co previsto no artigo 11 do Texto Refundido da Lei Reguladora das Facendas Locais, aplicarase o réxime de infraccións e sancións, regulado na Lei Xeral Tributaria e nas disposicións que a complementen e desenvolvan.

Disposicións Adicionais.

Primeira.- As referencias aos permisos de circulación contidos na presente Ordenanza, enténdense referidas ás licenzas de circulación no caso de ciclomotores a partir da entrada en vigor do RD 2822/1998, do 23 de decembro, polo que se aproba o Regulamento Xeral de Vehículos.

Segunda.- As modificacións producidas pola Lei de Orzamentos Xerais do Estado ou calquera elemento do presente imposto serán de aplicación automática dentro do ámbito desta Ordenanza.

Disposición Transitoria.

Os vehículos que resultando exentos do Imposto sobre Vehículos de Tracción Mecánica con anterioridade á entrada en vigor da Lei 51/2002, do 27 de decembro, por aplicación da anterior redacción do artigo 93.1 do Real decreto lexislativo 2/2004, de 5 de marzo, non cumpran os requisitos fixados para a exención na nova redacción dada ao devandito precepto pola Lei 51/2002, continuarán tendo dereito á aplicación da exención prevista na redacción anterior do citado precepto, en tanto o vehículo manteña os requisitos fixados naquela para tal exención.

Disposicións finais.

Primeira.- No non previsto especificamente nesta Ordenanza, rexerán as normas da Lei Xeral Tributaria e as disposicións que, no seu caso, dítense para a súa aplicación.

Segunda.- A presente Ordenanza Fiscal derroga a publicada no BOP de Lugo 95 do 26 de abril de 2006, e entrará en vigor o día seguinte ao da publicación da aprobación definitiva no Boletín Oficial da Provincia, e comezará a aplicarse a partir do 1 de xaneiro de 2021, permanecendo en vigor ata a súa modificación ou derogación expresa.

Muras, 5 de maio de 2020.- O Alcalde, Manuel Requeijo Amejo.

R. 0815

Anuncio**Edicto publicación definitiva ordenanza IBI Concello de Muras**

O abeiro do disposto no artigo 17.4 do RDL 2/2004, de 5 de marzo que aproba o texto refundido da Lei reguladora das facendas locais, procédese á publicación do texto íntegro da Ordenanza fiscal reguladora do Imposto sobre bens inmobles no Concello de Muras, aprobada inicialmente polo Concello Pleno en data 26 de febreiro de 2020, e estando sometido a información pública o devandito acordo polo prazo de trinta días hábiles, previa publicación do correspondente anuncio no taboleiro de edictos e no BOP núm. 60 de data 13 de marzo de 2020, sen que nese tempo se presentasen reclamacións, considerase definitivamente adoptado o citado acordo.

Contra o acordo descrito no parágrafo anterior, poderán os interesados interpoñer directamente o recurso contencioso- administrativo, no prazo de dous meses contados a partir do día seguinte ao de publicación deste Edicto. Poderán así mesmo interpoñer calquera outro que estimen axeitado.

ORDENANZA FISCAL REGULADORA DO IMPOSTO DE BENS INMOBLES NO CONCELLO DE MURAS

A tenor das facultades normativas outorgadas polos artigos 133.2 e 142 da Constitución Española e o artigo 106 da Lei 7/1985 Reguladora das Bases de Réxime Local sobre potestade normativa en materia de tributos locais e de conformidade así mesmo ao establecido nos artigos 15 e seguintes, así como do Título II, e artigos 61 e seguintes, todos eles do Texto Refundido da Lei de Facendas Locais, aprobado por Real Decreto Lexislativo 2/2004 de 5 de marzo e artigos 6, 7 e 8 do Texto Refundido da Lei do Catastro Inmobiliario aprobado por Real Decreto Lexislativo 1/2004 de 5 de marzo, e as modificacións de ditos textos introducidas pola Lei 16/2007 de 4 de xullo, Disposición Adicional Sétima e Décima, logo do pronunciamento do Tribunal Supremo en sentenza de 30 de maio de 2007 pola que declara nulo e expulsa do ordenamento xurídico parte da redacción do artigo 23 do Regulamento de Desenrolo da Lei do Catastro Inmobiliario aprobado por Real Decreto 417/2006 de 7 de abril, regulase mediante a presente ordenanza fiscal o Imposto sobre Bens Inmobles coas excepcións que se conteñen máis adiante e conforme ás tarifas que se inclúen na presente ordenanza.

Artigo 1º.- Feito imponible.

1. O feito imponible do Imposto sobre Bens Inmobles está constituído pola titularidade dos seguintes dereitos sobre os bens inmobles rústicos, urbanos e sobre os inmobles de características especiais:

- a) Dunha concesión administrativa sobre os propios inmobles o sobre os servizos públicos aos que estean afectos.
- b) Dun dereito real de superficie.
- c) Dun dereito real de usufruto.

d) Do dereito de propiedade.

A realización do feito imponible que corresponda de entre os definidos no apartado anterior pola orde establecida no mesmo, determinará a non suxeición do inmovible urbano o rústico ás restantes modalidades no mesmo previstas.

Nos inmovibles de características especiais aplicarase esta mesma prelación, salvo cando os dereitos de concesión que podan recaer sobre o inmovible non esgoten a súa extensión superficial, suposto no que tamén se realizará o feito imponible polo dereito de propiedade sobre a parte do inmovible non afectada por unha concesión.

Teñen consideración de bens inmovibles de natureza urbana, rústicos e bens inmovibles de características especiais, os definidos como tales nas normas que regula o Catastro Inmobiliario os comprendidos nos seguintes grupos:

1. Os destinados á produción de enerxía eléctrica e gas e ao refino de petróleo e ás centrais nucleares.
2. As presas, saltos de auga e embalses, incluído o seu leito ou vaso, agás as destinadas
3. As autoestradas, estradas e túneles de peaxe.
4. Os aeroportos e portos comerciais.

E elo coas especificacións contidas no artigo 23 do Regulamento de Desenrolo do Catastro Inmobiliario aprobado por Real Decreto 417/2006 de 7 de abril, na súa redacción dada pola Sentenza do Tribunal Supremo de 30 de maio de 2007.

O carácter urbano ou rústico do inmovible dependerá da natureza do solo.

Artigo 2º. Suxeitos pasivos

Son suxeitos pasivos, a título de contribuíntes, as persoas naturais e xurídicas, e as entidades ás que se refire o artigo 35.4 da Lei 58/2003 de 17 de decembro, Xeneral Tributaria, que ostenten a titularidade do dereito que, en cada caso, sexa constitutivo do feito imponible deste imposto.

No caso de bens inmovibles de características especiais, cando a condición de contribuínte recaia en un ou varios concesionarios, cada un deles o será pola súa cota, que se determinará en razón á parte do valor catastral que corresponda á superficie concedida e á construción ou parte do inmovible directamente vinculada a cada concesión.

Para esa mesma clase de inmovibles de características especiais, cando o propietario teña a condición de contribuínte en razón da superficie non afectada polas concesións, actuará como substituto do mesmo o Ente ou Organismo público ao que se refire o parágrafo segundo do núm. 1 do artigo 63 do Texto Refundido de Facendas Locais de 5 de marzo de 2004 na súa redacción dada pola Lei 16/2007, o cal non poderá repercutir no contribuínte o importe da débeda tributaria satisfeita.

O disposto no apartado anterior será de aplicación, sen prexuízo da facultade do suxeito pasivo de repercutir a carga tributaria soportada conforme ás normas de dereito común.

As administracións públicas e os entes ou organismos considerados suxeitos pasivos, repercutirán a parte da cota líquida do imposto que corresponda, en quen, non reunindo a condición de suxeitos pasivos, fagan uso mediante contraprestación dos seus bens demaniais ou patrimoniais, os cales estarán obrigados a soportar a repercusión, que se determinará en razón á parte do valor catastral que corresponda á superficie utilizada e á construción directamente vinculada a cada arrendatario ou cesionario do dereito de uso.

Artigo 3º. Responsables

1. Responden solidariamente das obrigas tributarias todas as persoas que sexan causantes dunha infracción tributaria ou que colaboren en cometela.
2. Os coparticipantes ou cotitulares das entidades xurídicas ou económicas a que se refire a Lei Xeral Tributaria responderán solidariamente en proporción as súas respectivas participacións das obrigas tributarias destas Entidades.
3. No suposto de sociedades ou entidades disoltas e liquidadas, as súas obrigas tributarias pendentes transmitíranse aos socios ou partícipes no capital, que responderán delas solidariamente e ata o límite do valor da cota de liquidación que se lles houbese adxudicado.
4. A responsabilidade esixírase en todo caso nos termos e de acordo co procedemento previsto na Lei Xeral Tributaria.

Artigo 4º. Exencións e afecciones reais

1.- Exencións directas de aplicación de oficio: As comprendidas no art. 62.1 do Texto Refundido da Lei de Facendas Locais, destacando a seguinte:

a) A superficie dos montes poboados con especies de crecemento lento reglamentariamente determinadas, cuxo principal aproveitamento sexa a madeira ou a cortiza, sempre que a densidade do arboredo sexa a propia ou normal da especie de que se trate.

2.- Exencións directas de carácter rogado: As comprendidas con tal carácter no art. 62.2 do Texto Refundido da Lei de Facendas Locais, destacando a seguinte:

a) A superficie dos montes nos se realicen repoboacións forestais ou rexeneración de masas arbóreas suxeitas a proxectos de ordenación ou plans técnicos aprobados pola Administración forestal. Esta exención terá unha duración de 15 anos, contados a partir do período impositivo seguinte a aquel no que se realice a solicitude.

3.- Exencións potestativas; en aplicación de criterios de eficiencia e economía na xestión recaudatoria do tributo, segundo o establecido no art. 62.4 do TRLFL, quedarán exentos de tributación no Imposto os recibos e liquidacións referidos

a) Os bens inmobles de natureza urbana cuxa cota líquida sexa inferior a seis euros.

b) Os bens de natureza rústica, no caso de que, para cada suxeito pasivo, a cota líquida correspondente á totalidade dos bens rústicos, posuídos no termo municipal sexa inferior a seis euros.

4.- Con carácter xeral, a concesión de exencións terá efecto a partir do exercicio seguinte á data da solicitude e non pode ter carácter retroactivo. Porén, cando o beneficio fiscal se solicita antes de que a liquidación sexa firme, concederáse se na data de devengo do tributo concorren os requisitos esixidos para o seu disfrute.

5.- Afección real na transmisión e responsabilidade solidaria na cotitularidade. De acordo ao artigo 64 do Texto Refundido da Lei de Facendas Locais de 5 de marzo de 2004, nos supostos de cambio, por calquera causa, na titularidade dos dereitos que constitúen o feito imponible deste imposto, os bens inmobles obxecto de ditos dereitos quedarán afectos ao pago da totalidade da cota tributaria, en réxime de responsabilidade subsidiaria, nos termos previstos na Lei Xeral Tributaria. A estes efectos, os notarios solicitarán información e advertirán expresamente aos comparecentes nos documentos que autoricen sobre as débedas pendentes polo Imposto sobre Bens Inmobles asociadas ao inmovible que se transmite, sobre o prazo dentro do cal están obrigados os interesados a presentar declaración polo imposto, cando tal obriga subsista por non terse aportado a referencia catastral do inmovible, conforme ao apartado 2 do artigo 43 do Texto Refundido da Lei do Catastro Inmobiliario e outras normas tributarias, sobre a afección dos bens ao pago da cota tributaria e, así mesmo, sobre as responsabilidades en que incorran pola falta de presentación de declaracións, o non efectualas en prazo ou a presentación de declaracións falsas, incompletas ou inexactas, conforme ao previsto no artigo 70 do Texto Refundido da Lei do Catastro Inmobiliario e outras normas tributarias.

6.- Responden solidariamente da cota deste imposto, e en proporción as súas respectivas participacións, os copartícipes ou cotitulares das entidades as que se refire o artigo 35.4. da Lei 58/2003 de 17 de decembro, Xeral Tributaria, si figuran inscritos como tales no Catastro Inmobiliario.

De non figurar inscritos, a responsabilidade esixirase por partes iguais en todo caso.

Artigo 5º. Base imponible.

A base imponible está constituída polo valor catastral dos bens inmobles, que se determinará, notificará e será susceptible de impugnación conforme ás normas reguladoras do Catastro Inmobiliario.

A base imponible dos bens inmobles de características especiais non terá redución de forma xeral, salvo o disposto no artigo 67.2 do TRLHL na súa redacción dada por Lei 16/2007.

Estes valores poderán ser obxecto de revisión, modificación ou actualización nos casos e do xeito que a Lei prevea.

Artigo 6º. Reducións.

1.- A redución da base imponible será aplicable a aqueles bens inmobles, urbanos e rústicos, que se atopen nalgunha destas dúas situacións:

a) Inmovible cuxo valor catastral se incrementa como consecuencia de procedementos de valoración colectiva, de carácter xeral, en virtude da aplicación do novo relatorio total de valor aprobado con posterioridade ao 1-1- 1997 ou por aplicación de sucesivos relatos totais de valores que se aproben unha vez transcorrido o período de redución establecido no artigo 67 e seguintes do Texto Refundido da Lei reguladora das Facendas Locais de 5 de marzo de 2004.

b) Cando se aprobe un relatorio de valores que dera lugar á aplicación de redución prevista, como consecuencia da aplicación prevista anteriormente e cuio valor catastral se altere antes de finalizar o prazo de redución por:

1.- Procedemento de valoración colectiva de carácter xeral.

2.- Procedemento de valor colectiva de carácter parcial.

3.- Procedemento simplificado de valoración colectiva.

4.- Procedemento de inscrición mediante declaracións, comunicacións, solicitudes e subsanación de discrepancia e inspección catastral.

2.- A redución será aplicable de oficio coas normas contidas nos artigos 67, 68, 69 e 70 do Texto Refundido da Lei de Facendas Locais.

Estas reducións, en ningún caso serán aplicables aos bens inmobles de características especiais, salvo as establecidas anteriormente e contidas en dito texto legal.

Artigo 7º. Base liquidable

- 1.- A base liquidable será o resultado de practicar, no seu caso, na imposable as reducións que legalmente se establezan.
- 2.- A base liquidable, nos bens inmobles de características especiais, coincidirá coa base imposable, salvo as específicas aplicacións que prevea a lexislación.
- 3.- A base liquidable notificarase conxuntamente coa base imposable nos procedementos de valoración colectiva. Dita notificación incluírá a motivación da redución aplicada mediante a indicación do valor base do inmovible así como o importe da redución, no seu caso, e da base liquidable do primeiro ano de vixencia do valor catastral.
- 4.- O valor base será a base liquidable conforme ás normas do Texto Refundido da Lei do Catastro Inmobiliario aprobado por Real Decreto Legislativo 1/2004 de 5 de marzo e regulamentos de desenvolvemento.
- 5.- A competencia nos distintos procedementos de valoración será a establecida no Texto Refundido da Lei do Catastro Inmobiliario aprobado por Real Decreto Legislativo 1/2004 de 5 de marzo e regulamentos de aplicación.

Artigo 8º. Tipo de gravame e cota.

O tipo de gravame será:

- a.- Para os bens inmobles de natureza urbana: o 0,4
- b.- Para os bens inmobles de natureza rústica: o 0,4
- c.- Para todos os grupos de bens inmobles de características especiais: o 1,3 %

Artigo 9º. Bonificacións.

Aplicaranse as bonificacións obrigatorias do art. 73 coas seguintes características e requisitos e establécense as bonificacións potestativas de acordo co art. 74 do texto Refundido da Lei das Facendas Locais:

1. Unha bonificación do 90% na cota íntegra do imposto, sempre que así se solicite polos interesados antes do inicio das obras, para os inmobles que constitúan o obxecto da actividade das empresas de urbanización, construción e promoción inmobiliaria tanto de obra nova como de rehabilitación equiparable a esta e non figuren entre os bens do seu inmovilizado.

O prazo de aplicación desta bonificación comprenderá dende o período impositivo seguinte a aquel en que se inicien as obras ata o posterior á terminación das mesmas, sempre e cando durante ese período se realicen obras de urbanización ou construción efectiva, e sen que, en ningún caso poida exceder de tres períodos impositivos.

Para aproveitar a citada bonificación, os interesados deberán de cumprir os seguintes requisitos:

- a) Acreditación da data de inicio das obras de urbanización ou construción de que se trate, a que se fará mediante certificación do Técnico-Director competente delas, visado polo Colexio Profesional.
- b) Acreditación de que a empresa se dedica á actividade de urbanización, construción e promoción inmobiliaria mediante a presentación dos Estatutos da Sociedade.
- c) Acreditación de que o inmovible obxecto da bonificación non forma parte do inmovilizado mediante a presentación de certificación do Administrador da Sociedade, ou fotocopia do último balance presentado ante a A.E.A.T., a efectos do Imposto sobre Sociedades.
- d) A solicitude da bonificación pódese formular dende o momento no que se pode acreditar o inicio das obras.

2. Unha bonificación do 50% na cota íntegra do imposto, durante os tres períodos impositivos seguintes ó outorgamento da cualificación definitiva, para as vivendas de protección oficial e as que resulten equiparables a estas conforme a normativa da Comunidade Autónoma de Galicia. Dita bonificación concederase a petición do interesado que poderá efectuarse en calquera momento anterior ó remate dos tres períodos impositivos de duración da mesma e producirá efectos no seu caso dende o período impositivo seguinte a aquel no que se solicite.

3. Unha bonificación do 95 % da cota íntegra e, no seu caso, do recargo do imposto a que se refire o artigo 153 da referida Lei, os bens rústicos das cooperativas agrarias e de explotación comunitaria da terra, nos termos establecidos na Lei 20/1990, do 19 de decembro, sobre Réxime Fiscal das Cooperativas.

4. Segundo o disposto no artigo 74.1 do RDL 2/2004, de 5 de marzo, establécense unha bonificación do 90% sobre a cota íntegra do imposto aos bens inmobles urbanos emprazados:

Na zona de Rede Natura, total ou parcialmente, entre os que se atopan, os seguintes núcleos:

Na parroquia de O Burgo:

- Armada de Baixo
- Armada de Riba

- Reboiras
- A Serra
- Carracedo
- O Barral
- Carelle Pequeno
- Carelle
- Cal do Baño
- Cabeceira
- Fragarrara
- Porto do Río
- Panceira

Na parroquia de Irixoa:

- Saamil
- Vilarcobo
- Travesal
- Arealba

Na parroquia de Viveiró:

- Rebordelos
- Aborbó

Na parroquia de A Balsa:

- Toda a parroquia enteira

5. En virtude do establecido no artigo 74.2 quáter, gozarán dunha bonificación do 95% por cento da cota íntegra do imposto, aqueles inmobles nos que se desenvolvan total e exclusivamente, actividades agrarias e gandeiras pertencentes ao sector primario, e que sexan declaradas de especial interese ou utilidade municipal por concorrer circunstancias sociais, culturais, histórico-artísticas ou de fomento do emprego, que xustifiquen tal declaración.

Corresponderá ao Pleno da Corporación a declaración de especial interese ou de utilidade municipal, previa solicitude dos suxeitos pasivos, debendo contar co voto favorable da maioría simple dos seus membros.

A bonificación terá carácter rogado e surtirá efectos a partir do período impositivo seguinte ao da presentación da solicitude.

Para poder gozar desta bonificación os interesados deberán presentar a seguinte documentación:

- Declaración responsable do titular da actividade, que pode coincidir ou non co suxeito pasivo, de que está desenvolvendo a actividade agraria ou gandeira, así como Certificado de Facenda no que conste a súa situación censual.

- Declaración de que no inmovible para o que se solicita a bonificación non se está a desenvolver unha actividade económica distinta á agraria ou gandeira. Dita declaración deberá vir asinada polo suxeito pasivo.

- Acreditación da titularidade catastral do inmovible.

- Certificado de que o suxeito pasivo non ten débedas coa Facenda estatal, autonómica e local, nin coa Seguridade Social.

- Xustificante de recoñecemento da explotación ou licenza da actividade correspondente.

6. En virtude do artigo 74.4 do Texto Refundido da Lei Reguladora das Facendas Locais aplicaranse bonificacións na cota íntegra do imposto a favor daqueles suxeitos pasivos que ostenten a condición de titulares de familia numerosa, previa solicitude do interesado e previa acreditación por parte do mesmo desa condición.

Así mesmo deberá acreditarse por parte do interesado, que o inmovible sobre o que pretende que se lle aplique a bonificación, constitúe a súa vivenda habitual, e que están empadroados nela todos e cada un dos membros que constitúen a unidade familiar numerosa.

Conforme ao establecido na Lei 40/2003, do 18 de novembro, de protección ás familias numerosas, e demais normativa concordante, gozarán, na cuantía e condicións que se regulan neste artigo, dunha bonificación na cota íntegra do imposto correspondente á vivenda habitual da familia.

A tal efecto, entenderase por vivenda habitual a finca urbana de uso residencial destinada exclusivamente a satisfacer a necesidade permanente de vivenda do suxeito pasivo e a súa familia.

Presumirase que a vivenda habitual da familia numerosa é aquela na que figura empadroada a familia.

No suposto de que o suxeito pasivo beneficiario sexa titular de mais dun inmovble radicado no Concello de Muras, a bonificación quedará referida a unha única finca urbana, sempre que, ademais, constitua a vivenda habitual da unidade familiar, sin que poida gozarse de mais dunha bonificación aínda que foran varias as vivendas das que dispoña o suxeito pasivo ou a súa familia.

As bonificacións por esta condición quedan establecidas no seguinte xeito:

Categoría familia numerosa	Porcentaxe Bonificación para unidades familiares con ingresos de ata 3 veces o SMI	Porcentaxe Bonificación para unidade familiar con ingresos de mais de 3 veces o SMI e que non o superen en 5 veces
Xeral (tres ou catro fillos)	90,00%	50,00%
Especial (cinco ou mais)	50,00%	50,00%

A bonificación establécese de xeito anual e prorrogable, sempre e cando os bens inmoibles sobre os que se pretenda aplicar a bonificación non teñan un valor catastral superior aos 32.000,00 euros.

Os suxeitos pasivos que cumprindo cos requisitos establecidos pretendan desfrutar desta bonificación deberán presentar a correspondente solicitude, á que deberán achegar a seguinte documentación:

- Copia compulsada do título de familia numerosa expedido polo órgano competente.
- Un certificado de empadramento no que consten todos os residentes do inmovble obxecto de bonificación.
- Copia do Imposto da Renda das Persoas Físicas ou, no seu caso, dos ingresos da unidade familiar.

Esta bonificación é compatible coa regulada no artigo 9.2 da presente ordenanza.

Artigo 10º. Período impositivo e acreditación do imposto

1. O período impositivo é o ano natural.
2. O imposto acredítase o primeiro día do ano.
3. As variacións de orde físico, económico ou xurídico, incluíndo as modificacións de titularidade, teñen efectividade a partir do ano seguinte a aquel no que se producen.
4. Cando o Concello coñeza a conclusión das obras que orixinen unha modificación de valor catastral, respecto ao que figura no seu Padrón, liquidará o IBI na data na que o Catastro lle notifique o novo valor catastral.
5. A liquidación do imposto comprenderá a cota correspondente aos exercicios "meritados" e non prescritos, entendendo por estes os comprendidos entre o seguinte a aquel no que se van a finalizar as obras que orixinaron a modificación de valor e o presente exercicio.
6. No seu caso, deducirase da liquidación correspondente a este exercicio e aos anteriores a cota satisfeita por IBI a razón de outra configuración do inmovble, diferente da que tivo na realidade.

Artigo 11º. Réxime de declaración e ingreso

- 1 Aos efectos previstos no artigo 76 do Texto Refundido da Lei de Facendas Locais, os suxeitos pasivos, están obrigados a formalizar as declaracións de alta, no suposto de novas construcións, as declaración de modificación de titularidade en caso de transmisión do ben, así como as restantes declaracións por alteracións de orde físico, económico ou xurídico nos bens inmoibles que teñan transcendencia a efectos deste imposto.
2. Sendo competencia do Concello o recoñecemento de beneficios fiscais, as solicitudes para acollerse deben ser presentadas á administración municipal, ante a cal debemos indicar, así mesmo, as circunstancias que orixinan ou xustifican a modificación do réxime.
3. Sen prexuízo da obrigación dos suxeitos pasivos de presentar as modificacións, alteracións e demais, o Concello, sen menoscabo das facultades do resto das Administracións Públicas, comunicará ao Catastro a incidencia dos valores catastrais ao outorgar licenza ou autorización municipal.
4. As liquidacións tributarias son practicadas polo Concello, tanto as que corresponden a valores – recibo como as liquidacións por ingreso directo, sen prexuízo da facultade de delegación da facultade de xestión tributaria.
5. Contra os actos de xestión tributaria, competencia do Concello, os interesados poden formular recurso de reposición, previo ao contencioso -administrativo, no prazo dun mes a partir da notificación expresa ou da exposición pública dos padróns correspondentes.

6. A interposición de recurso non paraliza a acción administrativa para o cobro, a menos que dentro do prazo previsto para interpoñer o recurso, o interesado solicite a suspensión da execución do acto impugnado e acompañe a garantía polo total da débeda tributaria.

Porén, en casos excepcionais, a alcaldía pode acordar a suspensión do procedemento, sen prestación de ningún tipo de garantía, cando o recorrente xustifique a imposibilidade de prestala ou ben demostra de xeito concluínte a existencia de erros materiais na liquidación que se impugna.

7. O período de cobro para os valores - recibo notificados colectivamente determinarase cada ano e anunciarase conforme ao Texto Refundido da Lei do Catastro Inmobiliario de 5 de marzo de 2004.

As liquidacións de ingreso directo deben ser satisfeitas nos períodos fixados polo Regulamento Xeral de Recadación, que son:

- a) Para as notificadas dentro da primeira quincena do mes, ata o día 5 do mes natural seguinte.
- b) Para as notificadas dentro da segunda quincena do mes, ata o día 20 do mes natural seguinte.

8. Transcorridos os períodos de pago voluntario sen que a débeda se teña satisfeito, iniciárase o período executivo, o cal comporta a acreditación do recargo do 20 por cento do importe da débeda non ingresada, así como o dos intereses de demora correspondentes.

O recargo será do 10 por cento cando a débeda se ingrese antes de que fora notificado ao debedor a providencia de constrinximento.

Artigo 12º. Xestión por delegación

No caso de xestión delegada, as atribucións dos órganos municipais se entenderán exercidas pola Administración convida ou delegada. Para o procedemento de xestión e recadación non establecido nesta ordenanza deberá aplicarse o establecido pola lexislación vixente.

Artigo 13. Revisión.

1. Os actos de xestión e inspección catastral do imposto serán revisables nos termos e de acordo cos procedementos sinalados no RDL 2/2004, de 5 de marzo e no Real Decreto Legislativo 1/2004, de 5 de marzo, polo que se aproba o Texto Refundido da Lei do Catastro Inmobiliario.

2. Os actos de xestión tributaria do imposto serán revisables conforme o preceptuado no artigo 14 do RDL 2/2004, de 5 de marzo, e demais concordantes de aplicación.

Disposición adicional primeira.

Para o non previsto nesta Ordenanza fiscal estarase ao disposto no RDL 2/2004, de 5 de marzo, polo que se aproba o Texto Refundido da Lei Reguladora das Facendas Locais.

Disposición adicional segunda.

As modificacións producidas pola Lei de Orzamentos Xerais do Estado ou calquera outra norma de rango legal que afecte a calquera elemento do presente imposto será de aplicación dentro do ámbito desta Ordenanza.

Disposición final.

A presente Ordenanza Fiscal derroga a publicada no BOP de Lugo do 26 de decembro de 2017, e entrará en vigor o día seguinte ao da publicación da aprobación definitiva no Boletín Oficial da Provincia, e comezará a aplicarse a partir do 1 de xaneiro de 2021, permanecendo en vigor ata a súa modificación ou derogación expresa.

Muras, 5 de maio de 2020.- O Alcalde, Manuel Requeijo Amejo.

R. 0816